

向
湖
村
舍
詩
初
集

卷一
至卷六

幽秀之采所由發也顧余陋劣謂稍辨真濫今春同寓
都門以詩稿見委校刻輒意爲去取存六百餘首題曰
初集頗有名章佳句傳誦人口而在所芟者蟬仙獨深
契之且曰非曲從文字通乎性道豈筆舌所能諭哉嗟
乎蟬仙乃以詩鳴耶而先以詩畀我校之刻之序之耶
或告余曰蟬仙少時毀家募死士轉戰六七年不求薦
達近大僚辟參幕府又不應殆不屑他途進者又曰其
于詩鑽掣深至昔同戎事見以兩馬載書雖甚擾攘不
釋卷余因微窺之稠人廣座君或離去默誦夜分客散

輒篝燈倚坐帳中疲劇不止或言誠不妄第嘗索觀所
挾書豈詞章揣摩之具云爾哉譽者言無當乃如此竊
反覆其詩雖危苦伊鬱語無不嶒嶸婉愜媛仙當不終
坐詩窮而有以實吾言卽不然覽者幸毋以詩概吾媛
仙而以詩測吾媛仙庶幾其知言哉光緒十有二年冬
至日保山吳式釗序

向湖邨舍詩初集取目

卷一

甲子至甲戌

存詩二十二首

卷二

乙亥丙子

存詩十九首

卷三

丁丑上

存詩四十五首

卷四

丁丑下

存詩四十八首

卷五

戊寅

存詩三十一首

卷六

己卯

存詩百首

卷七

庚辰

存詩七十首

卷八

辛巳

存詩六十九首

卷九

壬午癸未

存詩八十首

卷十

甲申

存詩七十四首

卷十一

乙酉

存詩五十六首

卷十二

丙戌

存詩七十一首

凡古今體詩六百八十五首

刻其手藁

向湖邨舍詩初集卷一

劍川 趙 藩 樾

甲子至丁卯

早梅

蜂蝶未知處一枝臨水閒
小橋橫斷岸殘雪冷空山
萬卉猶僵夢荒園半掩關
林逋扶病起相對破愁顏

秋日過城南龍門邑弔庚申戰歿者

一戰安危係孤軍覆此邨
妖氛羣盜劇熱血幾人存
衰草平隄短愁雲故壘昏
鬼雄來仿佛揮涕與招魂

晚望

獨立向蒼茫危樓跨女牆
平沙蘆渚白斜日稻陂黃
山瘦秋心老天高雁影涼
村春何處發百感集中腸

鼠

穿榻翻盆至更闌人靜天五窮
空有技三吐不能仙窺穴
瞋鐙影跳梁驚客眠故書吾
長物珍重聘銜蟬

初夏睡起偶作

一亭高踞山之陰長松飛瀑鳴
瑤琴草履何人徑入座
參天有竹森成林人閒避暑
乏高爽此境胸中日來往

午窗夢破不知處，惆恍迷離記歸路。
香溫茶熟日初長，一日何當幾回去。

秋夜宿滿賢林

古寺鐘魚歇，虛庭竹柏橫。
月華窺榻靜，泉響入秋清。
猿鶴三生夢，煙霞信宿情。
山僧煨芋火，趺坐話殘更。

戊辰至庚午

萍

浮萍看滿眼，綠漲一汀明。
舊夢楊花幻，新愁春水生。
菰蒲相借色，鳬鴨浪關情。
漫擬菱枝弱，風波慣汝輕。

曉起

柝聲催曉急清夢醒高齋出戶日初上卷簾風一來花
敲疏映竹石古暈生落病起詩懷減應煩茗椀開

登西郭門

秋懷鬱何適遠眺郭西門古木天風急高城晚角喧死
綏人可惜苦戰壘空存拙計猶戎馬三年莫共論

骨肉四首

骨肉幾人在流離經歲過報劉悲日短遭亂喪家多劫
火燒天暗繁霜損鬢皤慰情些子事移樽已松坡

苦雨淒風集烏噉斷晚煙重闔悲棄養雙淚泣窮邊始
悔虧兒職何從得母憐更堪思弟妹一樣螻蛄年
伯母親猶母茫茫繫夢思平生眞愛我遺憾痛無兒凋
落關家運悲歡促盛時沈疴終不起愁絕憶賢慈
向湖詩禮裔落落賸清門倡義終何事傾家莫更論讀
書猶世澤返國總天恩俯仰慚師友霑巾有淚痕
賊退後過沙溪

蕩析邨邨破流氛昨過江平蕪荒晚稻淺瀨咽橫缸月
冷橫孤雁鐙明吹遠戍醫瘡猶有待金鼓幸停撻

旅枕寒無寐淒涼父老言徵輸窮比屋烽火熾連番百
戰勞兵力中興戴國恩春陵應有作司牧係元元

夜寒枕上有作

寒威殘臘重入夜更崢嶸睡味和氊熟詩功豈鍛成吟
同新病瘦夢證幻情生厭聽鄰雞語膠膠到五更

辛未至甲戌

冬夜

沈沈曝背送斜陽晝短何妨喜夜長遮眼文書鐙有味
撐腸竹石酒生芒霜嚴爐炭銷寒燄風定瓶梅發古香

消受高齋清靜福從他蝸角萬人忙

曉度上關

龍首嚴關曉日開囊琴匹馬入關纔點蒼山翠當空落
戰血斑紅滿地哀幻化蟲沙悲浩劫力籌生聚要人才
十樓四閣皆塵土何處憑高縱目來

紀事二十八韻

西戎有雜種狡黠號回鶻唐室事驅除借力復京闕隱
忍畱花門杜陵悲憤切散處數百代生聚盛萌孽才力
實剽悍厥性更詭譎中原昨多故滇回事草竊互鬪啓

兵端背逆意原決妖氛暗六詔封豕事衝突會城危纍
卵諸郡盡破裂十載陷羶臭忠義深痛絕王師一號召
撻伐奮英傑連城無堅壁大帥親秉鉞長驅龍虎關淨
埽狐兔穴西洱何汪洋點蒼何巖嶮屍迴洱水潮血污
山頭雪峩峩築京觀天討斯爲烈若論盡厥罪疇能惜
勦滅好生白天意漏網寬遺子西陲樂底定豈慮死灰
熱由來豫防患此得彼易失屯營飭武備鄭重固所必
根本別有在閭閻詎可忽劫奪衆心習徵輸財力竭至
要擇守令元氣培蕭瑟民厚俗乃醇時和氣斯謐治亂

基人心莫恃銷兵鐵刻意籌治安大府萃賢哲安得陳
此詩備采輶軒列

旅夜

孤館夜冥冥銅瓶聽沸笙家書秋水渺客夢亂雲行蟬
噪心同潔螢飛影亦明他鄉感時物坐惜歲華更

閒處

閒處光陰我自知坐看冬日也遲遲香從靜裏回真味
詩要窮來發壯思何地安排高士傳平生憂樂秀才時
菊花已盡梅花好風雪空山任所之

述懷

陽回漸喜日添絲
偃仰空齋惜此時
黃土搏人真偶爾
青山笑我欲何之
嘗餘世味無過酒
刪盡塵緣尙有詩
夢裏清遊忘不得
瓊樓煙月影參差

向湖邨舍詩初集卷一

向湖邨舍詩初集卷二

劍川 趙 藩 樾邨

乙亥

春日雜詩

迷濛深樹鶉鳩嘯
芒屨來衝滑滑泥
一抹微煙兩株柳
叱牛聲在水田西

過老鷹巖

鴉雀噤無聲
天陰氣蕭索
何年海東青
飛來睨寥廓
森然立當面
愁胡勢欲搏
想當黃虞代
仁風扇六幕
毛羽

各呈瑞騶虞並鸞鷟爾鷹何爲者戕生恣所樂毆之荒
服外立地化巖嶠罡風刷羽翼煙霄縱頭角石路細盤
雲沿緣若縑縛過者氣先懾踖踖下芒屨常恐飽颺去
挾我共飛攫出險幸無恙回頭步猶卻此時憶邊徼行
圍雪花落何當巨靈手臂爾出廣漠爪牙快一試狡兔
避霜鍰鎮壓蜚狐塞長城當衛霍無爲據要路行旅坐
驚愕

罌城塘

清晨飯罷龍里驛凌風直下雲頂關峻嶒漸少石當路